

五年級背詩單

一、月下獨酌 李白

花間一壺酒，獨酌無相親。
舉杯邀明月，對影成三人。
月既不解飲，影徒隨我身，
暫伴月將影，行樂須及春。
我歌月徘徊，我舞影零亂，
醒時同交歡，醉後各分散。
永結無情遊，相期邈雲漢。

簽名（ ） 3分

二、春思 李白

燕草如碧絲，秦桑低綠枝。
當君懷歸日，是妾斷腸時。
春風不相識，何事入羅幃？

簽名（ ） 1分

三、子夜吳歌 李白

長安一片月，萬戶擣衣聲。
秋風吹不盡，總是玉關情。
何日平胡虜？良人罷遠征。

簽名（ ） 1分

四、登幽州臺歌 陳子昂

前不見古人，後不見來者；
念天地之悠悠，獨愴然而涕下。

簽名（ ） 1分

五、烏夜啼（一） 李煜

林花謝了春紅，太匆匆！
無奈朝來寒雨晚來風。
胭脂淚，相留醉，幾時重？
自是人生長恨水長東！

簽名（ ） 1分

六、烏夜啼（二） 李煜

無言獨上西樓，月如鉤。
寂寞梧桐深院鎖清秋。
剪不斷，理還亂，是離愁。
別是一般滋味在心頭。

簽名（ ） 1分

七、無題（一） 李商隱

相見時難別亦難，東風無力百花殘。
春蠶到死絲方盡，蠟炬成灰淚始干。
曉鏡但愁雲鬢改，夜吟應覺月光寒。
蓬山此去無多路，青鳥殷勤為探看。

簽名（ ） 2分

八、無題（二） 李商隱

昨夜星辰昨夜風，畫樓西畔桂堂東；
身無彩鳳雙飛翼，心有靈犀一點通。
隔座送鉤春酒暖，分曹射覆蠟燈紅；
嗟余聽鼓應官去，走馬蘭臺類轉蓬。

簽名（ ） 2分

九、一剪梅 李清照

紅藕香殘玉蕩秋，輕解羅裳，獨上蘭舟。
雲中誰寄錦書來？雁字回時，月滿西樓。
花自飄零水自流，一種相思，兩處閒愁。
此情無計可消除，才下眉頭，卻上心頭。

簽名（ ） 2分

十三、蘭澗 朱熹

光風浮碧澗，
蘭枯日猗猗。
竟歲無人採，
含薰只自知。

簽名（ ） 1分

十、滿江紅 岳飛

怒髮衝冠，憑欄處，瀟瀟雨歇，
抬望眼，仰天長嘯，壯懷激烈。
三十功名塵與土，八千里路雲和月。
莫等閒、白了少年頭，空悲切！
靖康恥，猶未雪，臣子恨，何時滅？
駕長車，踏破賀蘭山缺。
壯志饑餐胡虜肉，笑談渴飲匈奴血；
待從頭收拾舊山河，朝天闕。

簽名（ ） 3分

十一、虞美人 李煜

春花秋月何時了，往事知多少？
小樓昨夜又東風，故國不堪回首月明中。
雕欄玉砌應猶在，只是朱顏改。
問君能有幾多愁，恰似一江春水向東流。

簽名（ ） 2分

十二、水口行舟 朱熹

昨夜偏舟雨一蓑，
滿江風浪夜如何？
今朝試卷孤蓬看，
依舊青山綠水多。

簽名（ ） 1分

十四、水調歌頭 蘇軾

明月幾時有，把酒問青天。
不知天上宮闕，今夕是何年。
我欲乘風歸去，又恐瓊樓玉宇，
高處不勝寒。
起舞弄清影，何似在人間。
轉朱閣，低綺戶，照無眠。
不應有恨，何事長向別時圓？
人有悲歡離合，月有陰晴圓缺，
此事古難全。
但願人長久，千里共嬋娟。

簽名（ ） 3分

導師簽名（ ）

第四辦公室 背詩挑戰

合格後，可於每週二大節下課到第四辦公室教務組參加背詩挑戰，挑戰成功的小朋友，將會抽出幾人到活動中心參加背詩擂台賽，挑戰你的勇氣，背給全校聽喔！背詩王頒獎人由你決定：

一、（ ）

二、（ ）

三、（ ）